

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwrw, Crymych, SA41 3UP
cyngorcymunedcrymych@gmail.com Ffôn/Tel 01239 891403

Cofnodion cyfarfod Cymuned Crymych 04/02/2021

Presennol: Iwan Evans, Bill Davies, Hywel Lewis, Emyr Thomas, Roger Howells, Keith Davies, Cris Tomos (Cadeirydd), Bethan Williams (Clerc)

1. Croeso ac Ymddiheuriadau

Ymddiheuriadau: Dylan Sandbrook, Derrick Rees, Iwan Rees.

Cydymdeimlwyd ag Emyr Thomas yn dilyn marwolaeth ei dad a gyda Hywel Lewis yn dilyn marwolaeth ei chwaer.

2. Cofnodion

Cynigiodd Hywel Lewis eu bod yn gwir, eiliodd Bil Davies ac fe'u derbyniwyd yn gofod cywir.

3. Materion yn Codi

(5) Arwyddion baw cŵn.

Mae arwyddion A4 gan y cyngor yn £4.40 yr un cytunwyd. Cytunwyd i gael 10. Cris Tomos i archebu.

(10) UFA

- Calonnau Cymru - Mae defib ar gael am bris gostyngol, £995. Cytunwyd i rannu gwybodaeth â mudiadau ac os ydyn nhw'n dymuno cael un ar gyfer eu hardal nhw bod y cyngor cymuned yn cyfrannu at y gost.
- Coed dros Arwydd Cyflymder - Mae Cris Tomos wedi trefnu gydag Emrys Llywelyn yn y cyngor sir i'r coed gael eu torri tro nesa bydd torrwyd coed yn y pentref.
- Hysbysfwrdd - wnaeth Iwan Evans ddim cael y neges, ond bydd yn mynd i edrych arno.
- Toiled Crymych - Arwyddwyd les am y toiled yng nghyfarfod Hydref 2014

4. Gohebiaeth - i'w nodi/trafod

(i) Cais am nawdd gan Paul Sartori Foundation
Canmolwyd gwaith pwysig yr elusen a chytunwyd i roi £100 o rodd.

(ii) Cais am nawdd gan yr Urdd
Fel arfer byddai'r cyngor cymuned yn cyfrannu at gostau bysiau'r aelwyd i fynd i Eisteddfod yr Urdd, ond gan i'r Eisteddfod gael ei chanslo llynedd ac eleni does dim ceisiadau am nawdd wedi'n cyrraedd.

Cytunwyd i gyfraniad o £100

(iii) Parc Crymych

Daeth neges gan y Cyngor Sir i ddweud bod les y parc wedi dod i ben yn 2011, ond yn dechnegol mae'n dal i fod yn gyfrifoldeb i'r cyngor cymuned. Mae'r cyngor sir eisiau cadarnhau'r sefyllfa. Byddai gwell gyda'r Cyngor Sir wneud Community Asset Transfer a throsglwyddo'r parc i ofal y cyngor cymuned a chreu les 125 mlynedd.

Cytunwyd, gan fod Prosiect Crymych, wedi bod yn codi arian ac â chynlluniau ar gyfer y parc, ein bod ni'n holi iddo gael ei drosglwyddo i Prosiect Crymych, a phetai Prosiect Crymych yn dod i ben fod y parc yn cael ei drosglwyddo'r i'r cyngor cymuned. Bethan i holi'r Cyngor Sir os yw hynny'n bosibl.

Roedd £1,015 ar gyfer cynnal ardaloedd chwarae yn dal i fod mewn cronfa i barc Hermon. Defnyddiwyd £615 o hwnnw ar gyfer y cytundeb gyda'r cyngor i wasanaethau'r parc. Mae £400 yn weddill.

(iv) Llythyr diolch gan Clebran

5. Arhosfa bws Hermon

Cafwyd cwyn drwy'r Cyngor Sir nad oes modd i blant ysgol ddefnyddio'r arhosfa bws yn Hermon gan fod cymaint o eitemau gan y 'Swap Shop' yno, a bod pobl yn ei ei gam-ddefnyddio ac yn gadael pethau na ddylen nhw.

Nodwyd bod y rhai sy'n gyfriol am y 'Swap Shop' wedi gwneud rhywfaint o waith trwsio ar yr arhosfa bws, ac i'r 'Swap Shop' fod yn dda yn sytod y clo.

Cytunwyd, gan mai arhosfa bws yw e i fod bod angen ei droi nôl yn arhosfa bws i blant gael ei ddefnyddio.

Bethan i ymateb i lythyr y Cyngor Sir i ddweud y bydd yr arhosfa yn cael ei wagio.

Cris a Bethan i siarad â'r rhai sy'n gyfriol am symud pethau oddi yno i rywle arall.

6. Rhewl Heol Bro Preseli

Dydy'r cyngor sir ddim yn grito'r rhewl ac mae'n gallu bod yn beryglus os bydd hi'n rhewi. Mae'r feddygfa ar ddiwedd y rhewl hefyd, felly mae tipyn o ddefnydd arni.

Mae ansicrwydd am bwy sydd biau'r rhewl, cytunwyd i Cris Tomos holi'r cyngor pwy sydd biau'r rhewl, ac os nad y cyngor, a oes posibl iddi gael ei mabwysiadu gan y cyngor.

7. Maes Parcio Ploveilh

Daeth cais gan farbwr am rywle i agor siop yng Nghrymych. Holodd am bosibiliad rhoi caban ar Faes Ploveilh, lle 'r oedd y biniau ailgylchu mawr yn arfer bod.

Y cyngor sir sydd biau'r maes ei hun, ond mae'r les gyda'r cyngor cymuned. Cytunwyd gan Cris Tomos i holi a oes hawl gyda ni i osod cabanau ar y maes parcio.

Nodwyd ein bod ni'n creu arfer, ac y gallai sawl cais tebyg ddod yn y dyfodol.

Gofynnwyd i Iwan Rees holi Dennis a Delyth am bosibiliadau rhoi caban ar eu tir nhw.

8. Cyllid

£12,643 yn y banc

9. Unrhyw Fater Arall

- Mae deiseb yr arwydd wrth stad Waunaeron wedi ei gyflwyno i'r cyngor sir.
- Dydy golau stryd wrth Faes yr Afon ddim wedi bod yn gweithio ers tipyn. Bydd Cris Tomos yn adrodd hynny i'r cyngor.
- Mae angen glanhau dail a brigau o'r pafin ar bont Llanfyrnach. Cris Tomos i holi'r Cyngor Sir i lanhau.
- Bydd croesfan yn cael ei rhoi wrth y fferyllfa yng Nghrymmych erbyn canol Mawrth.
- Mae'r Economi Gylch wedi rhoi £70,000 o grant ar gyfer Caffi Atgyweirio yng Nghrymmych. Mae'n rhaid iddo fod yn ei le erbyn diwedd Mawrth a rhaid mai yng Nghrymmych ei hun mae'r caffi. Does dim lleoliad eto ond bydd Cris Tomos yn holi Tai Barcud a fyddai modd rhoi rhywbeth ar dir Fferm Villa.